

TILSKIPUN FRAMKVÆMDASTJÓRNARINNAR 2007/37/EB

2009/EES/71/27

frá 21. júní 2007

um breytingu á I. og III. viðauka við tilskipun ráðsins 70/156/EBE um samræmingu laga aðildarríkjanna um gerðarviðurkenningu á vélknúnum ökutækjum og eftirvögnum þeirra (*)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af tilskipun ráðsins 70/156/EBE frá 6. febrúar 1970 um samræmingu laga aðildarríkjanna um gerðarviðurkenningu á vélknúnum ökutækjum og eftirvögnum þeirra ⁽¹⁾, einkum öðrum undirlið 2. mgr. 13. gr.,

og að teknu tilliti til eftirfarandi:

1) Tilskipun Evrópuþingsins og ráðsins 2006/40/EB frá 17. maí 2006 um losun frá loftræstikerfum í vélknúnum ökutækjum og um breytingu á tilskipun ráðsins 70/156/EBE ⁽²⁾ er ein sértilskipananna sem fjalla um EB-gerðarviðurkenningaraðferðina, sem komið var á fót með tilskipun 70/156/EBE.

2) Samkvæmt tilskipun 2006/40/EB skulu ökutæki, sem búin eru loftræstikerfi sem er hannað fyrir flúraðar gróðurhúsalofttegundir með hærri hnatthlýnunarmætti en 150, vera gerðarviðurkennd með tilliti til losunar frá loftræstikerfinu.

3) Í kjölfar innleiðingar EB-gerðarviðurkenningar- aðferðarinnar og samþykktar reglugerðar framkvæmdastjórnarinnar (EB) nr. 706/2007 frá 21. júní 2007 þar sem mælt er fyrir um stjórnsluákvæði, samkvæmt tilskipun Evrópuþingsins og ráðsins 2006/40/EB, vegna EB-gerðarviðurkenningar ökutækja og samhæfða prófun til

að mæla leka úr tilgreindum loftræstikerfum ⁽³⁾ er nauðsynlegt að bæta nýjum þáttum við upplýsingaskrána í I. viðauka við tilskipun 70/156/EBE og kröfurnar um upplýsingaskjöl að því er varðar EB-gerðarviðurkenningu ökutækja í III. viðauka við þá tilskipun.

4) Til þess að tryggja samfellu EB-gerðarviðurkenningar- aðferðarinnar gilda nýju kröfurnar, sem innleiddar eru með þessari tilskipun, frá og með sama degi og ráðstafanirnar sem samþykktar eru samkvæmt tilskipun 2006/40/EB og reglugerð (EB) nr. 706/2007.

5) Því ber að breyta tilskipun 70/156/EBE til samræmis við það.

6) Ráðstafanirnar, sem kveðið er á um í þessari tilskipun, eru í samræmi við álit nefndar um aðlögun að tækniframförum.

SAMÞYKKT TILSKIPUN ÞESSA:

1. gr.

Ákvæðum I. og III. viðauka við tilskipun 70/156/EBE er breytt í samræmi við viðaukann við þessa tilskipun.

2. gr.

1. Aðildarríkin skulu samþykkja og birta nauðsynleg lög og stjórnslufyrirmæli til að fara að tilskipun þessari eigi síðar en 4. janúar 2008.

Þau skulu þegar í stað senda framkvæmdastjórninni texta þessara ákvæða og samsvörunartöflu milli viðkomandi ákvæða og þessarar tilskipunar.

(*) Þessi EB-gerð birtist í Stjtuð. ESB L 161, 22.6.2007, bls. 60. Hentar var getið í ákvörðun sameiginlegu EES-nefndarinnar nr. 3/2008 frá 1. febrúar 2008 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, sjá EES-viðbæti við Stjórnartíðindi Evrópusambandsins nr. 33, 12.6.2008, p. 4.

⁽¹⁾ Stjtuð. EB L 42, 23.2.1970, bls. 1. Tilskipuninni var síðast breytt með tilskipun 2006/96/EB (Stjtuð. ESB L 363, 20.12.2006, bls. 81).

⁽²⁾ Stjtuð. ESB L 161, 14.6.2006, bls. 12.

⁽³⁾ Stjtuð. ESB L 161, 22.6.2007, bls. 33.

Þau skulu beita þessum ákvæðum frá 5. janúar 2008.

Þegar aðildarríkin samþykkja þessi ákvæði skal vera í þeim tilvísun í þessa tilskipun eða þeim fylgja slík tilvísun þegar þau eru birt opinberlega. Aðildarríkin skulu setja nánari reglur um slíka tilvísun.

2. Aðildarríkin skulu senda framkvæmdastjórninni helstu ákvæði úr landslögum sem þau samþykkja um málefni sem tilskipun þessi tekur til.

3. gr.

Tilskipun þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Gjört í Brussel 21. júní 2007.

Fyrir hönd framkvæmdastjórnarinnar,

Günter VERHEUGEN

varaforseti.

VIDAUKI

Tilskipun 70/156/EBE er breytt sem hér segir:

1. Eftirfarandi liðir bætist við í I. viðauka:

- „9.10.8. Gas notað sem kælimiðill í loftræstikerfinu:
- 9.10.8.1 Loftræstikerfið er hannað fyrir flúraðar gróðurhúsalofttegundir með hærri hnatthlúnunarmætti en 150: JÁ/NEI ⁽¹⁾
- 9.10.8.2 Fyllið út eftirfarandi liði, sé svarið jákvætt:
- 9.10.8.2.1 Teikning af loftræstikerfinu og stutt lýsing á því, þ.m.t. tilvísunarnúmer eða hlutanúmer og smíðæfnið í íhlutum til þéttingar:
- 9.10.8.2.2 Leki loftræstikerfisins:
- 9.10.8.2.3 Við prófun íhluta: skrá yfir íhluti til þéttingar, þ.m.t. tilheyrandi tilvísunarnúmer eða hlutanúmer, ásamt ársleka hvers um sig og upplýsingum um prófunina (t.d. númer prófunarskýrslu, númer viðurkenningar, o.s.frv.):
- 9.10.8.2.4 Við prófun ökutækja: tilvísunarnúmer eða hlutanúmer og smíðæfnið í íhlutum kerfisins auk upplýsinga um prófunina (t.d. númer prófunarskýrslu, númer viðurkenningar, o.s.frv.):
- 9.10.8.3 Heildarleki alls kerfisins í g á ári:’

2. Eftirfarandi liðir bætist við í III. viðauka:

- „9.10.8 Gas notað sem kælimiðill í loftræstikerfinu:
- 9.10.8.1 Loftræstikerfið er hannað fyrir flúraðar gróðurhúsalofttegundir með hærri hnatthlúnunarmætti en 150: JÁ/NEI ⁽¹⁾
- Heildarleki alls kerfisins í g á ári, sé svarið jákvætt:’
-